

祀主记

琯先世由江西吉水谷村花树下分派家谱世系以唐西平忠武王
为一世元至正初月洲派二十六世祖仰茂字子选号重十公迺卜居
湘阴之荆塘村为湘始迁之一世传至六世祖三洲公迁于邑中修立
家谱追溯溯流水木之思靡不切切縁会大父廉宪近麓公迄先考
法麓公俱以王事靡监弗克如原仲兄象珠清初任衡州府教谕会于
安福受業高君一元郵傳音問確有遷旆故里之訂不意构疾辞职而
遂捐馆舍矣琯也不肖伤心祖父兄有志未逮不惮贫苦于今壬子正
月朔六日束装就道念日获抵谷村念九日拜谒花树下月洲祖祠二
月朔日拜谒忠武王大祠荷族尊子和大人展示家谱载子选公之
父申九公葬湘阴堤上后园配黄氏葬本里村前柯树下朔六日于
柯树下拜谒黄孺人之墓从茅茨中觅断石一片上镌黄氏申九孺

人之墓虽厯年久远封土如故未丑兼艮坤山向含泪稽首心甚畅然
是夜迺梦先祖母于途中执予之手若相留状惊觉展转实喜且疑早
起为诸族尊言之感慨间忽有来告者曰昨夜祠堂闻震响声家人皆
惊相率往观果见一主仆地起视之粉面塵堆陷中有字二行旧黃氏
申九孺人葬面前山柯树下有子选客寓湘阴一时见者莫不称异
诸族尊金云二百余年来子若孙并不知黃氏有主此祠凡四迁又谁
知此主为黃孺人也以经十一世之魂灵尚感应如此噫亦奇重特大
名為孺人即托梦欵玉叶金枝森主不震响于祠谁其往而观之祠堂
主以百千计使不偃仆又谁其一一而启视之则孺人之主終湮沒矣
琯于初十日奉主言归十九日抵湘命工为灵小寢绘以朱丹择三月
初一日用猪一羊一香楮告文率子孙弟姪罗拜迎祀尊之羣祖之上
焉因援笔直书以记之俾后之人有以知黃孺人木主之所自来云尔